




KEMENTERIAN KESIHATAN MALAYSIA
BAHAGIAN KEWANGAN
Aras 6-7, Blok E7, Kompleks E
Pusat Pentadbiran Kerajaan Persekutuan
62590 PUTRAJAYA

Tel. : 03-8883 3269/3099/3362
Faks : 03-8883 4389/4364/4395
Web : <http://finance.moh.gov.my>



PENGIKTIRAFAN MS ISO 9001:2008 NO. SIJIL: AR 5597

Ruj. Kami: 10 dlm.KKM-58/300/1-5 Jld.2

17 Jun 2013
8 Syaaban 1434H

Semua Pengarah Kesihatan Negeri

Semua Pengarah Hospital

Semua Pegawai Kesihatan Daerah/Pegawai Pergigian Daerah

Kementerian Kesihatan Malaysia

Y. Bhg. Datuk/Datin/Tuan/Puan,

PENGECUALIAN BAYARAN CAJ PERKHIDMATAN PERUBATAN DAN KESIHATAN DI LUAR HOSPITAL/FASILITI KEMENTERIAN KESIHATAN MALAYSIA

Dengan segala hormatnya saya diarah merujuk mengenai perkara di atas.

2. Sukacita dimaklumkan bahawa bersama-sama ini dikemukakan Surat Pekeliling Bahagian Kewangan Bilangan 1 Tahun 2013 - Pengecualian Bayaran Caj Perkhidmatan Perubatan dan Kesihatan Di Luar Hospital/Fasiliti Kementerian Kesihatan Malaysia untuk makluman dan tindakan Y. Bhg. Datuk/Datin/Tuan/Puan selanjutnya. Untuk makluman, surat pekelling ini juga boleh dirujuk melalui Portal Bahagian Kewangan, KKM, www.finance.moh.gov.my.

Sekian, terima kasih.

“BERKHIDMAT UNTUK NEGARA”

Saya yang menurut perintah,


(HAJI MOHD DUSUKI BIN HAJI YAACOB)

Bahagian Kewangan


b.p Ketua Setiausaha

Kementerian Kesihatan Malaysia

☎ 03-8883 3069

✉ dusuki@moh.gov.my

s.k Ketua Setiausaha
Ketua Pengarah Kesihatan
Timbalan Ketua Setiausaha (Pengurusan)
Timbalan Ketua Pengarah Kesihatan (Perubatan)
Timbalan Ketua Pengarah Kesihatan (Kesihatan Awam)
Timbalan Ketua Pengarah Kesihatan (Penyelidikan dan Sokongan Teknikal)
Pengarah Kanan Perkhidmatan Farmasi
Pengarah Kanan Kesihatan Pergigian
Setiausaha/Pengarah Bahagian
Fail Timbul



KEMENTERIAN KESIHATAN MALAYSIA

SURAT PEKELILING BAHAGIAN KEWANGAN BILANGAN 1 TAHUN 2013

Semua Pengarah Kesihatan Negeri

Semua Pengarah Hospital

Semua Pegawai Kesihatan Daerah/Pegawai Pergigian Daerah

Kementerian Kesihatan Malaysia

**PENGECUALIAN BAYARAN CAJ PERKHIDMATAN PERUBATAN DAN
KESIHATAN DI LUAR HOSPITAL /FASILITI
KEMENTERIAN KESIHATAN MALAYSIA**

TUJUAN

Tujuan Surat Pekeliling ini adalah untuk memaklumkan mengenai pelaksanaan pengecualian bayaran caj perkhidmatan perubatan dan kesihatan di luar hospital/fasiliti Kementerian Kesihatan Malaysia (KKM).

LATAR BELAKANG

2. Pada masa ini, Kementerian Kesihatan Malaysia (KKM) tidak mengenakan apa-apa bayaran kepada perkhidmatan-perkhidmatan perubatan dan kesihatan di luar hospital/fasiliti KKM seperti perkhidmatan perubatan semasa penganjuran kem atau

karnival kesihatan, kem pendidikan kesihatan, perkhidmatan kesihatan di Institusi Tahanan/Perlindungan seperti depoh tahanan, lokap polis dan rumah perlindungan, perkhidmatan kawalan penyakit bagi penyakit berjangkit dan bawaan vektor serta perkhidmatan kesihatan antarabangsa di pintu-pintu masuk negara. Ini adalah selaras dengan dasar Kerajaan yang mengutamakan rakyat dan sebagai salah satu usaha dalam menyediakan perkhidmatan kesihatan dan perubatan kepada rakyat. Di samping itu, perkhidmatan perubatan dan kesihatan ini juga adalah di luar skop Perintah Fi (Perubatan) 1982.

PENGECUALIAN CAJ BAYARAN

3. Bagi menambahkan lagi kemudahan kesihatan kepada rakyat dan selaras dengan kuasa yang diberi di bawah Seksyen 16(13) Perintah Fi (Perubatan) 1982, Ketua Setiausaha Perbendaharaan telah bersetuju untuk mengecualikan bayaran caj perkhidmatan dan kesihatan luar hospital/kesihatan/fasiliti bagi kategori perkhidmatan-perkhidmatan berikut:

- (i) Perkhidmatan lawatan rumah (*home visit*) yang diberikan untuk memastikan kesinambungan penjagaan kesihatan (*continuous care*) dan lain-lain aktiviti yang termasuk di bawahnya seperti lawatan susulan kesihatan ibu dan anak, kesihatan *post natal*, kesihatan kanak-kanak dan remaja, kesihatan warga emas, kesihatan orang kurang upaya (OKU) dan kesihatan mental;
- (ii) Perkhidmatan yang mempunyai kesinambungan kepada rawatan yang telah diberikan semasa pesakit berada di dalam wad dan lawatan tersebut telah dirancang terlebih dahulu dan telah dipersetujui oleh pakar-pakar demi kebaikan pesakit;
- (iii) Perawatan pesakit di rumah oleh Jurupulih Carakerja/Jurupulih Anggota (*nursing care/rehabilitation*) yang diberikan untuk memastikan kesinambungan penjagaan kesihatan (*continuous care*) dan lain-lain aktiviti

yang termasuk di bawahnya dan termasuk kes-kes terlantar (*bed ridden*), orang kurang upaya (OKU) dan warga emas; dan

- (iv) Perkhidmatan kesihatan bergerak bagi meningkat kebolehcapaian perkhidmatan kesihatan di kawasan pedalaman untuk golongan yang kurang berkemampuan dan lain-lain aktiviti yang termasuk di bawahnya seperti perkhidmatan Klinik Bergerak, perkhidmatan *Flying Doctors Service* (FDS) dan Klinik Bergerak 1Malaysia – KB1M (Bot/Bas).

4. Pengecualian ini bagaimanapun tidak termasuk lain-lain perkhidmatan perubatan di luar hospital, yang perlu dikenakan caj bayaran sebanyak RM150 untuk setiap lawatan, selain daripada apa-apa tuntutan bagi perjalanan, sara hidup dan penginapan mengikut kadar yang ditentukan oleh Kerajaan, seperti yang dinyatakan di bawah Jadual 'A', Bahagian 3, Perintah Fi (Perubatan) 1982.

PELAKSANAAN

5. Sehubungan itu kerjasama Y.Bhg Datuk/Datin/Tuan/Puan di semua Bahagian, Jabatan Kesihatan Negeri, hospital, klinik kesihatan dan klinik pergigian adalah diperlukan untuk memastikan pelaksanaan keputusan Surat Pekeliling ini kepada kategori perkhidmatan-perkhidmatan seperti yang dinyatakan mengikut ketetapannya di semua fasiliti KKM. Semua petugas KKM yang terlibat juga hendaklah dimaklumkan mengenai keputusan ini agar pesakit yang menerima perkhidmatan perubatan dan kesihatan daripada KKM memperoleh manfaat yang sewajarnya daripada pengecualian ini.

AM

6. Sebarang pertanyaan atau maklumat lanjut mengenai perkara ini hendaklah menghubungi Unit Hasil, Bahagian Kewangan, KKM.


TARIKH KUATKUASA

7. Surat Pekeliling ini berkuatkuasa mulai dari tarikh surat ini dikeluarkan.

Sekian, terima kasih.

“BERKHIDMAT UNTUK NEGARA”

Saya yang menurut perintah,



(CHIN PHAIK YOONG)

Timbalan Ketua Setiausaha (Kewangan)

Kementerian Kesihatan Malaysia

Tarikh: 17/6/2013

s.k Ketua Setiausaha

Ketua Pengarah Kesihatan

Timbalan Ketua Setiausaha (Pengurusan)

Timbalan Ketua Pengarah Kesihatan (Perubatan)

Timbalan Ketua Pengarah Kesihatan (Kesihatan Awam)

Timbalan Ketua Pengarah Kesihatan (Penyelidikan dan Sokongan Teknikal)

Pengarah Kanan Perkhidmatan Farmasi

Pengarah Kanan Kesihatan Pergigian

Setiausaha/Pengarah Bahagian